

**2023 წლის საგნის გამოცდის შეფასების სქემა ქართულ ენასა და  
ლიტერატურაში (დაწყებითი საფეხური)**

1	ბ
2	ბ
3	ა
4	დ
5	დ
6	ბ

7.

ა	ბ	გ	დ
2	2	3	1

\* 1 ქულით ფასდება მხოლოდ ის პასუხი, რომელშიც ყველა აღნიშვნა სწორია.

<b>8</b>	<p><b>მაქსიმალური ქულა: 1</b></p> <p><b>1 ქულა:</b> აპლიკანტის დაწერილ წინადადებაში ერთდროულად მოცემულია <b>დროის, ადგილის, მიზნისა და ვითარების გარემოებები</b>. წინადადება აზრობრივად გამართულია.</p> <p><b>0 ქულა:</b> <b>შესრულებულია ქვემოთ მოცემულთაგან ერთ-ერთი პირობა:</b></p> <ul style="list-style-type: none"> <li>• მოყვანილ წინადადებაში არ არის წარმოდგენილი ყველა დასახელებული გარემოება;</li> <li>• მოყვანილ წინადადებაში ფორმალურად წარმოდგენილია ყველა დასახელებული გარემოება, თუმცა სიტყვათა ჯგუფი არ გამოხატავს დასრულებულ აზრს ან შინაარსის თვალსაზრისით გაუმართავია;</li> <li>• პასუხი არ არის წარმოდგენილი.</li> </ul>
<b>9</b>	<p><b>მაქსიმალური ქულა: 2</b></p> <p><b>2 ქულა:</b> სწორად არის ამოცნობილი შეცდომა - სიტყვასთან <b>მოინახულა</b> წაშლილია/არ ფიქსირდება სასვენი ნიშანი ორწერტილი. აპლიკანტი მსჯელობისას განმარტავს გამაერთიანებელ/განმაზოგადებელ სიტყვასთან ორწერტილის გამოყენების წესს. წინადადების გადაწერის შემთხვევაში არ ეხება/არ ასწორებს წინადადების შინაარსობრივ ნაწილს.</p> <p><b>1 ქულა:</b></p> <ul style="list-style-type: none"> <li>• აპლიკანტი სწორად ამოიცნობს შეცდომას, თუმცა ვერ განმარტავს / არასწორად განმარტავს ორწერტილის გამოყენების წესს;</li> </ul> <p><b>0 ქულა:</b> <b>შესრულებულია ქვემოთ მოცემულთაგან ერთ-ერთი პირობა:</b></p> <ul style="list-style-type: none"> <li>• არასწორადაა ამოცნობილი შეცდომა;</li> <li>• პასუხი არ არის მოცემული.</li> </ul>

10	<b>მაქსიმალური ქულა: 8</b>	
	დავალებაში დაშვებული იყო 5 შეცდომა, რომელთა ამოცნობისა და დასაბუთების ნებისმიერი კომბინაციის შედეგად აპლიკანტს უნდა დაეგროვებინა დავალების მაქსიმალური ქულა 8.	
	<b>შეცდომა</b>	<b>უნდა იყოს</b>
	ამდენ საქმეებს	ამდენ საქმეს
	დაკარგვით	დაკარგვით
	განსხვავებულები იყვნენ	განსხვავებული / განსხვავებულნი იყვნენ
	გვრიდა	გვგვრიდა
	ყველას, რომლებიც	ყველას, ვინც
	<ul style="list-style-type: none"> <li>• შეცდომის გასწორება და შესაბამისი დასაბუთება ფასდება 2 ქულით;</li> <li>• მხოლოდ შეცდომის გასწორება, სათანადო დასაბუთების გარეშე, ფასდება 1 ქულით;</li> <li>• სწორად დაწერილი თითოეული სიტყვის მცდარი ფორმით შეცვლის შემთხვევაში შეფასებას აკლდება 1 ქულა.</li> </ul>	

11	ბ
12	ა
13	დ
14	ბ
15.1	დ
15.2	ბ
15.3	ბ
15.4	ბ
15.5	დ
15.6	დ
15.7	ბ

15.8	<b>მაქსიმალური ქულა: 1</b>
	<p><b>1 ქულა:</b>  აპლიკანტს სწორად აქვს ამოწერილი შესაბამისი ფრაზებიდან ერთ-ერთი:</p> <ul style="list-style-type: none"> <li>• „მელას სიტყვებმა სხვებსაც გაახსენა <u>ძველი ტკივილი</u>“.</li> <li>• „ქათქათა თოვლზე სისხლის დანახვამ ყველას დაავიწყა <u>ჩვეული შიში</u>.“</li> </ul> <p><b>0 ქულა:</b>  შესრულებულია ქვემოთ მოცემულთაგან ერთ-ერთი პირობა:</p> <ul style="list-style-type: none"> <li>• არასწორად არის ამოწერილი ფრაზა;</li> <li>• სწორ პასუხთან ერთად მითითებულია არასწორი პასუხიც;</li> <li>• პასუხი არ არის მოცემული.</li> </ul>

15.9	<p><b>მაქსიმალური ქულა: 2</b></p>
	<p><b>2 ქულა:</b>          მოცემულია სწორი, დამაჯერებელი, გამართული მსჯელობა. იდენტიფიცირებული და ახსნილია ორი არსებითი ასპექტი:</p> <ul style="list-style-type: none"> <li>▪ ძაღლის მიერ საკუთარი თავის, ბუნების დაკარგვა;</li> <li>▪ ძაღლის მიერ სამყაროს აღქმა ადამიანის პოზიციიდან.</li> </ul> <p><b>1 ქულა:</b>  <b>შესრულებულია ქვემოთ მოცემულთაგან ერთ-ერთი პირობა:</b></p> <ul style="list-style-type: none"> <li>• სწორად არის ამოცნობილი ტყის ბინადართა პოზიცია, თუმცა წარმოდგენილი მსჯელობა ზედაპირული და სქემატურია; აპლიკანტი შემოიფარგლება 3-4 სიტყვით;</li> <li>• სწორად არის ამოცნობილი და ახსნილი ორი არსებითი ასპექტიდან მხოლოდ ერთი.</li> </ul> <p><b>0 ქულა:</b>  <b>შესრულებულია ქვემოთ მოცემულთაგან ერთ-ერთი პირობა:</b></p> <ul style="list-style-type: none"> <li>• არასწორადაა გაანალიზებული ტყის ბინადართა პოზიცია / მსჯელობა მცდარია;</li> <li>• ტყის ბინადართა პოზიციის იდენტიფიცირებისას იყენებს მხოლოდ ზოგად ფრაზებს - „იმიტომ, რომ ცხოველებს ღალატობს.“ „ადამიანს ემორჩილება“ და ა.შ.</li> <li>• პასუხი არ არის მოცემული.</li> </ul>
15.10	<p><b>მაქსიმალური ქულა: 2</b></p>
	<p><b>2 ქულა:</b>          მოცემულია სწორი, დამაჯერებელი, გამართული მსჯელობა; იდენტიფიცირებული და ახსნილია, რატომ იზიარებენ ტყის ბინადარი ცხოველები ძაღლის დამოკიდებულებას ადამიანისადმი. პასუხში ყურადღება მახვილდება ადამიანის შესაძლებლობებზე.</p> <p><b>1 ქულა:</b>          სწორად არის ამოცნობილი ტყის ბინადართა პოზიცია, თუმცა წარმოდგენილი მსჯელობა ზედაპირული და სქემატურია; აპლიკანტი შემოიფარგლება 3-4 სიტყვით.</p> <p><b>0 ქულა:</b>  <b>შესრულებულია ქვემოთ მოცემულთაგან ერთ-ერთი პირობა:</b></p> <ul style="list-style-type: none"> <li>• პასუხი არამართებულადაა გაანალიზებული;</li> <li>• პასუხი არ არის მოცემული.</li> </ul>
16.1	<p><b>მაქსიმალური ქულა: 1</b></p>
	<p><b>1 ქულა:</b>          მოცემულია გამართული, დასაბუთებული მსჯელობა; სწორად არის ახსნილი ავტორის ჩანაფიქრი, ფრაზის ქვეტექსტი. აპლიკანტი მსჯელობისას მიუთითებს სიხარბესა და მომხვეჭელობაზე.</p> <p><b>0 ქულა:</b></p> <ul style="list-style-type: none"> <li>• პასუხი არამართებულია;</li> <li>• პასუხში მხოლოდ 1-2 სიტყვაა წარმოდგენილი – „ბოროტება გამეფდა“, „სიმართლე გაქრა“, „ადამიანები ერთმანეთს ჭამენ“ და მისთანანი;</li> <li>• პასუხში წარმოდგენილია ფრაზის „მგლის მადა“ შეუსაბამო, არაკონტექსტური</li> </ul>

	<p>განმარტებები - „გამეფდა ბოროტება“, „ბატონობს კრიმინალი“ და მისთანანი;</p> <ul style="list-style-type: none"> <li>• პასუხში ძირითადად წარმოდგენილია შეკითხვის პერიფრაზი;</li> <li>• პასუხი არ არის მოცემული.</li> </ul>
16.2	<p><b>მაქსიმალური ქულა: 2</b></p>
	<p><b>2 ქულა:</b>          მოცემულია დამაჯერებელი, გამართული მსჯელობა; აპლიკანტი სწორად აანალიზებს შედარების საფუძველს (რით ჰგავს ლექსში აღწერილი სამყარო ცხედარს); სწორად ხსნის სამყაროს „სიკვდილის“ მიზეზს – რაციონალური(აზრი) და ემოციური(გრძნობა) საყრდენების გარეშე დარჩენა.</p> <p><b>1 ქულა:</b>          აპლიკანტს იდენტიფიცირებული აქვს შედარების საფუძველი, თუმცა პასუხი ზედაპირული და სქემატურია; აპლიკანტი შემოიფარგლება 3-4 სიტყვით.</p> <p><b>0 ქულა:</b>  <b>შესრულებულია ქვემოთ მოცემულთაგან ერთ-ერთი პირობა:</b></p> <ul style="list-style-type: none"> <li>• არასწორადაა გაგებული შედარების საფუძველი, მსჯელობა მცდარია;</li> <li>• პასუხში წარმოდგენილია მხოლოდ პერიფრაზი;</li> <li>• პასუხში წარმოდგენილია ზოგადი ფრაზები: „სიმართლე გაქრა“, „ბოროტება გამეფდა“ და ა.შ.</li> <li>• პასუხი არ არის მოცემული.</li> </ul>
16.3	<p><b>მაქსიმალური ქულა: 2</b></p>
	<p><b>2 ქულა:</b>          მოცემულია სწორი, დამაჯერებელი, გამართული მსჯელობა; აპლიკანტი განმარტავს დავალების პირობის ორივე კომპონენტს:</p> <ul style="list-style-type: none"> <li>▪ <b>განაზოგადებს პრობლემას</b> – დეგრადირებული, უსამართლო, მტრული ქვეყანა... განუკითხაობა და შუღლი ძმათა შორის... ჰუმანიზმის, თანაგანცდის დეფიციტი...</li> <li>▪ <b>ხსნის განმაპირობებელ მიზეზს</b> – აზრისა და გრძნობისგან (ადამიანობისგან) დაცლა, გრძნობისა და აზრის დეფიციტი ადამიანის დეჰუმანიზაციას, ცხოველურ საწყისებთან დაბრუნებას იწვევს...</li> </ul> <p><b>1 ქულა:</b>  <b>შესრულებულია ქვემოთ მოცემულთაგან ერთ-ერთი პირობა:</b></p> <ul style="list-style-type: none"> <li>• იდენტიფიცირებულია როგორც პრობლემა, ისე განმაპირობებელი მიზეზი, თუმცა მსჯელობა ზედაპირული და სქემატურია; აპლიკანტი შემოიფარგლება 3-4 სიტყვით;</li> <li>• მოცემულია დამაჯერებელი, გამართული მსჯელობა დავალების მხოლოდ ერთი კომპონენტის (პრობლემა ან მიზეზი) მიხედვით.</li> </ul> <p><b>0 ქულა:</b>  <b>შესრულებულია ქვემოთ მოცემულთაგან ერთ-ერთი პირობა:</b></p> <ul style="list-style-type: none"> <li>• პასუხი არამართებულია;</li> <li>• პასუხი არ არის მოცემული.</li> </ul>

17	ბ
18	დ
19	ბ
20	ბ
21	დ

ანალიტიკური წერა

22.

მაქსიმალური ქულა: 9

**I. შინაარსის რელევანტურობა\***

*ნაშრომი შეესაბამება მოცემულ საკითხს და უპასუხებს დასმულ ამოცანებს.*

**1 ქულა:**

შესრულებულია ქვემოთ მოცემულთაგან ერთ-ერთი პირობა:

- ნაშრომი უპასუხებს დავალების მოთხოვნებს, არ შეეხება არარელევანტურ საკითხებს.
- ნაშრომი უპასუხებს დავალების მოთხოვნებს, თუმცა მოცემულია არარელევანტური ინფორმაციაც.

**0 ქულა:**

შესრულებულია ქვემოთ მოცემულთაგან ერთ-ერთი პირობა:

- ნაშრომი არ უპასუხებს დავალების მოთხოვნებს;
- ნაშრომი შეეხება სრულიად განსხვავებულ საკითხს;
- ნაშრომი წარმოადგენს დავალების პერიფრაზს.
- ნაშრომის მხოლოდ მცირე ნაწილი შეეხება მოცემულ თემას, მაგრამ არ უპასუხებს დავალების მოთხოვნებს.

*\*თუ ნაშრომი პირველი კრიტერიუმის მიხედვით შეფასდება 0 ქულით, ის აღარ გასწორდება სხვა კრიტერიუმების მიხედვით.*

**II. დასაბუთება \***

*ნაშრომში ავტორის პოზიცია წარმოდგენილია შესაბამისი დასაბუთებით, მსჯელობა გამყარებულია დამაჯერებელი, ადეკვატური არგუმენტებითა და მაგალითებით.*

**2 ქულა:**

- მოცემულია დავალების ყველა მოთხოვნის შესახებ თანმიმდევრული, დამაჯერებელი მსჯელობა, არგუმენტითა თუ მაგალითით გამყარებულია ყველა მოსაზრება;

**1 ქულა:**

შესრულებულია ქვემოთ მოცემულთაგან ერთ-ერთი პირობა:

- მოცემულია დავალების მოთხოვნების შესახებ მსჯელობა, არგუმენტითა თუ მაგალითით გამყარებულია მხოლოდ ზოგიერთი მოსაზრება;
- მოცემულია დავალების მოთხოვნების შესახებ მსჯელობის მცდელობა, თუმცა, არგუმენტები თუ მაგალითები ზედაპირული, ერთფეროვანი და

არადამაჯერებელია;

**0 ქულა:**

**შესრულებულია ქვემოთ მოცემულთაგან ერთ-ერთი პირობა:**

- მოცემულია დავალების მოთხოვნის შესახებ მსჯელობის მცდელობა, არ ფიქსირდება არგუმენტები და მაგალითები;
- მსჯელობა არ არის ლოგიკური, თანმიმდევრული. მოსაზრებები არ არის გამყარებული მაგალითებითა და არგუმენტებით ან მაგალითები თუ არგუმენტები არაადეკვატურია;
- მსჯელობა არ არის მოცემული.

*\* მსჯელობისას ფაქტობრივი შეცდომის დაშვების შემთხვევაში აპლიკანტს მეორე კომპონენტში დააკლდება 1 ქულა.*

### **III. თხრობის ორგანიზება**

*ნაშრომი სტრუქტურულად გამართულია, აზრები მწყობრად, თანმიმდევრულად არის გადმოცემული, თხზულების ნაწილები ერთმანეთთან ლოგიკურადაა დაკავშირებული.*

**2 ქულა:**

- ტექსტი სტრუქტურულად გამართულია - ნაწერში წარმოდგენილია საკითხის დასმა, მსჯელობა, დასკვნა; აზრები მწყობრად არის გადმოცემული, მონაკვეთები ლოგიკურად უკავშირდება ერთმანეთს; აბზაცები ლოგიკურად არის გამოყოფილი.

**1 ქულა:**

**შესრულებულია ქვემოთ მოცემულთაგან ერთ-ერთი პირობა:**

- მკაფიოდ არის წარმოდგენილი ტექსტის მხოლოდ ორი სტრუქტურული ნაწილი;
- ტექსტის ზოგიერთი მონაკვეთი ლოგიკურად არ უკავშირდება დავალების პირობას;
- ერთი-ორი პასაჟი თხზულების სტრუქტურიდან ამოვარდნილია;
- წარმოდგენილი დასკვნა მკაფიოდ / პირდაპირ არ მიემართება დავალების პირობაში დასმულ საკითხს / არ გამომდინარეობს მსჯელობიდან;
- უფუნქციოდ, დატვირთვის გარეშე მეორდება ერთი და იგივე აზრი;
- ნაშრომში აბზაცები არ არის გამოყოფილი ან არაადეკვატურადაა გამოყოფილი.

**0 ქულა:**

**შესრულებულია ქვემოთ მოცემულთაგან ერთ-ერთი პირობა:**

- ნაწერის მხოლოდ მცირე მონაკვეთი ეთმობა მსჯელობას (რამდენიმე წინადადება, პატარა აბზაცი ა. შ.);
- მოსაზრებები, ტექსტის უმეტესი ნაწილი ერთმანეთსა და დავალების პირობას ლოგიკურად არ უკავშირდება;
- სტრუქტურიდან ამოვარდნილია რამდენიმე პასაჟი;
- ნაწერში წარმოდგენილია ტექსტის მხოლოდ ერთი სტრუქტურული ნაწილი.

### **IV. სტილი, ლექსიკა**

*აზრები ცხადად, ნათლადაა გამოთქმული, ნაწერი ლექსიკურად მდიდარი და სტილურად გამართულია, ლექსიკა შეესაბამება დასმულ საკითხს.*

**2 ქულა:**

- ნაშრომში გვხვდება ერთი-ორი უმნიშვნელო სტილური ხარვეზი, ტექსტი ლექსიკურად მდიდარია, აზრი მკაფიოდ და გამართულად არის გადმოცემული,

გამოყენებულია საკითხის შესაფერისი ლექსიკა და სტილი.

**1 ქულა:**

**შესრულებულია ქვემოთ მოცემულთაგან ერთ-ერთი პირობა:**

- ნაშრომში გვხვდება რამდენიმე სტილური ხარვეზი; გამოყენებული ლექსიკა და სტილი ძირითადად შეეფერება საკითხს;
- ნაწერი ლექსიკურად მწირია, თუმცა, გამოყენებული ლექსიკა და სტილი ძირითადად შეეფერება საკითხს.

**0 ქულა:**

**შესრულებულია ქვემოთ მოცემულთაგან ერთ-ერთი პირობა:**

- ნაწერი ლექსიკურად ღარიბია;
- დაშვებულია სტილური ხარვეზები;
- ნაშრომში გარკვეული მონაკვეთი სტილურად გაუმართავია;
- გამოყენებულია არაადეკვატური ლექსიკა / სტილი.

## **V. სინტაქსი, მორფოლოგია, პუნქტუაცია**

*ნაწერი შესრულებულია თანამედროვე ქართული სალიტერატურო ენის ნორმების დაცვით.*

**2 ქულა:**

- დაშვებულია ერთი-ორი ორთოგრაფიულ-მორფოლოგიური / პუნქტუაციური შეცდომა, არ არის დაშვებული სინტაქსური შეცდომა.

**1 ქულა:**

- დაშვებულია არაუმეტეს ხუთი სინტაქსური, ორთოგრაფიულ-მორფოლოგიური და პუნქტუაციური შეცდომისა;

**0 ქულა:**

- დაშვებულია ექვსი და მეტი სინტაქსური / ორთოგრაფიულ-მორფოლოგიური / პუნქტუაციური შეცდომა; დარღვეულია თანამედროვე ქართული სალიტერატურო ენის ნორმები.

**ნაშრომი არ გასწორდება, თუ:**

**შესრულებულია ქვემოთ მოცემულთაგან ერთ-ერთი პირობა:**

- შეიცავს ინფორმაციას, რომლის საშუალებით შესაძლებელია აპლიკანტის პიროვნების იდენტიფიცირება - სახელსა და გვარს (რეალურსა თუ გამოგონილს), მეტსახელს, ხელმოწერას და ა.შ.
- შესრულებულია ისეთი ხელწერით, როგორც წაკითხვაც შეუძლებელია.

ნაშრომი უნდა შეიცავდეს, სულ მცირე, 120 სიტყვას. სხვა შემთხვევაში ის გასწორდება მხოლოდ I და II კრიტერიუმების მიხედვით.

### **გაითვალისწინეთ!**

- თუ სწორ პასუხთან ერთად აპლიკანტი არასწორ პასუხსაც მიუთითებს, შეფასდება 0 ქულით;
- თუ დავალებებზე პასუხის გაცემისას დარღვეულია თანამედროვე ქართული სალიტერატურო ენის ნორმები, აპლიკანტს დავალების შეფასებისას დააკლდება 1 ქულა.